

常加守衛爾時

天尊即說呪曰

上方世界八千人

下方治地四將軍

三五吏兵除惡鬼

四六童子守我神

六甲直符驅魔魅

六丁玉女護我身

吾左青龍右白虎

頭上朱雀足玄武

前有功曹後主簿

驅除妖魅并魔靈

若有魔禱還本主

一切妖魅不得住

須臾不去與天斧

急急如律令

天尊說此神呪已一切天人无量聖眾及六

甲直符從官聞經歡喜作禮奉行

太上說六甲直符保胎護命妙經

四經同卷

太上元始天尊說大雨龍王經

太上護國祈雨消魔經

太上洞淵社帝天逢護命消災神呪經

太上洞淵解瘟神呪妙經

太上元始天尊說大雨龍王經

爾時

元始天尊成就五方國土若有善男子善女

人國土成就與諸大衆轉讀念誦是經受持

供養時早則雨風來止善男女隨有國土其

中衆生受持讀誦書寫解說聽受此經者當

知此人善神法力常加衛護何以故法典之

中有持聖力能為衆生廣開濟度是時天尊

悉為宣說

天尊大慈念 普為諸衆生 道言諸功德

微妙難思議 有求皆應感 甘雨倏然施

勤勤即隨念 萬法皆如斯

道言男女善人讀誦書寫龍王經者為諸大

衆之所稱讚若有國土祈雨者六齋之日當

於淨土嚴潔灑掃燒香供養禮拜稱善祈請

表十

天尊應感即召龍王降雨消災普得甘潤即說龍王名曰

清淨龍王 大地龍王 法海龍王 妙羅龍王

傷吉龍王 受愛龍王 大海龍王 烈厲龍王

淨目龍王 師子龍王 暴聲龍王 金色龍王

金明龍王 黑髮龍王 大雨龍王 天師龍王

雷電龍王 九江龍王 水帝龍王 翅羅龍王

安山龍王 大梵龍王 願受龍王 伊羅龍王

降雨龍王 恒河龍王 妙法龍王 天華龍王

寶蓋龍王 甘露龍王 仙真龍王 淨月龍王

非人龍王 有德龍王 天降龍王 地降龍王

左右龍王 白虎龍王 青色龍王 龍鱗龍王

尊聖龍王 真聖龍王 閻羅龍王 上帝龍王

黃色龍王 法門龍王 變化龍王 千萬龍王

諸天龍王 感天龍王 感地龍王 威德龍王

法身龍王 念經龍王 雨水龍王 四大龍王

達利龍王 頂拜龍王 大法龍王 妙德龍王

無上龍王 國主龍王 太上龍王 道德龍王

宣化龍王 真人龍王 老君龍王 家令龍王

如是諸龍王聞是稱善即現感通與騰雲雨

過酒人間救彼焦枯悉得生發免其時害無損禾苗川瀆流通河源注潤是經功果難可稱揚濟度群生有茲聖力若有善男子善女人能為國界巡邑方里遭其旱涸時雨愆期陰陽不調人民惶恐當為書寫嚴淨受持請高德法師建立道場幡花供養轉讀此經當得上徹天垂甘雨地湧靈泉草木滋榮日晡豐稔人無憂戚歲保久寧災沴永消土地常吉家門歡樂福利無窮為善莊嚴百神敬護雨澤既足當發虔心上祈通靈常隨念誦時諸大眾聞說是經喜躍奉行作禮而退。

太上元始天尊說大雨龍王經

卷十

太上護國祈雨消魔經

爾時

元始天尊與諸天大聖妙行真人及諸天龍鬼神天仙飛仙神童玉女太上二師在玉京山說法廣大清惠是時天雨寶花地皆

金色天尊放大光明徧照十方無量世界上至三十六天帝諸宮下至幽冥無數地獄悉令普徧救攝眾生令得安穩受諸妙樂天香普薰飢餐玉粒渴飲金漿餓鬼眾生皆得飽滿速得離苦面見天尊生於清淨長樂界中

紫居法會

爾時下方有一真人名曰月光乘白鶴手執玉英來至法會整理衣冠恭敬禮拜長跪稽首白天尊言我今修行欲得救治一切眾生而無神通方便智慧我見下方閻浮世內種種諸惡或被水漂或遭火難或過飢饉或有劫賊或有疫疾或遇大旱草木焦然五穀不熟國界不安人民驚懼如何救拔唯願天尊廣說方便救護眾生令免斯厄

元始天尊語月光真人曰善哉善哉子今能為大地眾生作大利益至誠救護我有無量天丁力士妙行真人慈悲真人王清真人皇洞真人百千萬眾至清童子二十萬眾天靈赤官功曹主簿長生司馬韓君丈人以百千萬眾天仙飛仙神童二十萬眾威飭神王大力神王攝毒神王消魔神王食邪神王碎魔神王擲火神王酒水神王食精神王收瘟神王飛仙神王百千萬眾禁戒三師雲雷八部常居世間救諸厄難若遇水火當轉此經若有劫賊當轉此經若遇時疫亦轉此經若遇炎旱亦轉此經國界不安亦轉此經五穀不收亦轉此經若能書寫至心轉讀獲無量福是諸惡毒悉皆消滅是諸劫賊悉令破散是諸疫毒自得除滅水火災患自然止息國界不安當得安帖四夷歸奉異國來朝疫癘速差口舌磨滅官事枷鎖速得解散獲連斷絕魔邪不興疫毒速去

爾時月光真人又白

天尊言天下及諸方外國時遭炎旱如此苦